

Saksprotokoll i Kultur- og ressursutvalet - 09.04.2014

Innspel frå medlemmane:

Kristian Helland (Krf) ønskte ei orientering om korleis oversendingsforslag vart handsama.

Fylkesdirektør for kultur og idrett Anna Elisa Tryti viste til delegasjonsreglemenet pkt. 17 der det m.a. heiter:

17. Oversendingsforslag

Oversendingsforslag er forslag som det ikkje er ønskje om å realitetshandsama i møtet, men som ein likevel ønskjer å få vurdert av enten eit anna utval/nivå eller av administrasjonen. Det skal gå fram av forslaget kven som støttar det.

Mottakar av forslaget avgjer korleis det skal følgjast opp.

Oversendingsforslag til politiske organ (t.d. frå fylkestinget til samferdselsutvalet):

Fylkesrådmannen lagar melding til utvalet der forslaget er referert. Vidare arbeid er avhengig av positiv avgjerd i utvalet.

Oversendingsforslag til fylkesrådmannen:

Fylkesrådmannen vurderer forslaget og gir tilbakemelding i form av melding eller sak til organet som har oversendt forslaget.

Tom Sverre Tomren (MSG) viste til mediaomtale siste dagane om Cornerteateret, og ønskte ei orientering om kva Hordaland fylkeskommune hadde gjort i saka.

Fylkesdirektør for kultur og idrett Anna Elisa Tryti og seksjonsleiar for kunst og kulturformidling Ronny Skaar orienterte.

Natalie Golis (MDG) ønskte ei orientering om plankonferansen 23. april 2014. Ho peika også på at dersom slike konferansar var obligatoriske for fylkespolitikarane, måtte dette gå tydeleg fram. Ein invitasjon var ikkje jamstelt med ei innkalling. Omtalte plankonferansen gjekk ut som ein invitasjon.

Fylkesdirektør for kultur og idrett Anna Elisa Tryti og fylkesdirektør regionalavdeling Bård Sandal orienterte. Presentasjonar og informasjon gitt på konferansen vert formidla til medlemmane i utvalet.